

querir dans les bois, où ses Compatriotes l'auoient abandonné: ce bon ieune homme [101] aiant recouuert la fanté par les soins de ces bonnes Meres, fut si puiffamment touché, que non seulement il pourfuiuit fortement son baptesme; mais il prit resolution de demeurer toute sa vie aupres de nous, pour y estre plus pleinement instruit; & iamais ses parens ne luy ont pû faire quitter cette pensée; ils ont fait leur possible pour l'en diuertir, mais tous leurs efforts n'ont feruy qu'à faire paroistre sa constance: Ce n'est pas tout; comme S. Bernard gaigna ses freres, qui le vouloient diuertir d'entrer en Religion; de mesme, ce ieune homme appellera & attirera auec soy ceux qui le vouloient empescher d'écouter Iesus-Christ; car i'apprens, que l'un des principaux d'entr'eux chancelle desia, disant, qu'il veut croire en Dieu comme son cadet-

Je conclueray ce chapitre par la mort d'une petite colombe, c'est la Mere de saincte Marie que Dieu nous a rauy: *Pretiosa in conspectu Domini: Mors sanctorum eius.* O que la mort de cette Espouse de Iesus-Christ est precieuse deuant Dieu: elle se trouuoit vn peu mal dés la France, d'un rheume ou d'une defluxion qui la faisit au [102] temps de l'embarquement, le mal creut fur mer, & encor plus fur terre; Depuis son arriuéé elle a presché plus fortement les Sauvages, par sa patience, par sa resignation, par sa gaieté, dans vne maladie traifnante & douloureuse, que ne sçauroient faire trois Predicateurs, auec toute leur eloquence; elle se traifnoit souuent dans la sale des malades pour auoir la consolation de les voir, nous prenions plaisir de nous y rencontrer, auec vne bande de ces pauvres Barbares, pour leur apprendre la resignation par l'exemple de cette pauvre malade,